

由永安昌捐壹千美金發起。並由通惠總局舉出代表協同鍾先生効募。務足建一秘魯華僑堂於農大之內。又謂照鍾先生最近所預定行程。則十月間當至智利。十月杪由智利東出阿廷根京城十一月中旬抵巴西國都。十二月至西印度羣島。明年四月以前行完中美洲各共和國。然後返北美與在坎拿大爲農大募捐之陳輯五先生同行回國云。

## 鍾榮光先生榮膺監督

鍾榮光先生服務嶺南二十餘年于茲。數年前擢升副監督職。履任以來。爲嶺南大學策劃。日無暇晷。其勤勞盡忠。爲中西人士所景仰。本年自正監督晏文士辭職後。紐約董事部特議決香雅各鍾榮光二先生爲監督。不用正副名稱。關於嶺南大學華人教育事業及農科大學全爲鍾先生負責主持。昨職教員聞訊後。卽行電至紐約鍾先生道賀。

## 鍾榮光演講廣東民食問題

五月十七日芝加哥訪函嶺南大學副監督鍾榮光先生自到美後。對於農科大學擴充計劃。抱以絕大志願。曾在古巴募捐。得該國僑胞踴躍輸將。成

績甚好。茲鍾君昨已抵本埠。曾誌本報。本埠中華會館定於本月十八號禮拜晚八時在會所開會歡迎並請鍾君演講廣東民食問題。並將廣州現狀嶺南風景農科種植畜牧等成績共一百四十餘幅一一用幻燈影出由嶺南舊學生謝昭杰君逐幅解釋。吾粵地瀕海隅。氣候和暖。最宜農業。當此戰事連綿。民生憔悴之時。民生問題關係至巨。而鍾君此次來美之使命。又屬發展農大事務。爲全粵人民謀福利。屆時鍾君關於廣東民食問題。必有一番偉論。以饗僑胞也。

## 嶺南農大募款專員鍾榮光謝昭杰抵埠

嶺南監督鍾榮光先生。及大學教授陳輯五先生來美募捐鍾君於正月到紐約後即開始募捐。成績甚高。一月之間。認捐者有二萬八千伍百元美金。另有捐冊多本未繳。總計約有二萬元美金。而陳君於四月到大埠後。亦即發起勸捐。有劉儒玲君認捐三千元其餘認捐千元或五百元以下者不少。將來成績之高。諒可預必。現鍾先生偕其舊學生謝昭杰君由古巴回美。(在古巴亞灣一埠捐有一萬七千元美金)特同到本埠勸募。經於十三日下午四時